

曰疲劣老臣猥蒙

天恩衰疾已劇慙懼轉深乞退之外更無他策第觀近來

殿下圖治之誠漸不如初其於聽言之際未盡如流之美羣下之竊歎而隱

憂者多矣及見頃日下憲府之教

聖人舍已從人之義不宜如是也無非如

臣庸懦冒居臺憲之致請命適斥

答曰勿辭○設都監造祭器樂器尋罷之

禮曹初因掌樂院公事請設局造成樂器以備前頭宴享詔使及豐呈大禮之

用宗廟祭器之破壞散失者亦於設局時一併造成

上從之後都監以容

入物力極其浩大而經費蕩竭且旱灾方極興作非時陳啓姑罷之○丙午

上聞衛士患疫特賜藥物救恤甚至及聞其死下教政院令該曹題給綿布使

之埋葬○丁未備邊司啓曰畿甸軍兵最為精壯其於衛內捍外之用所關極

重而畿輔物力殘破無以措給器械今此日本回答使之行令戶曹備送花絲

紬數千匹貿得數千柄烏銃分給畿兵教鍊成就且焰硝貿得之便莫如中朝

今於謝恩使之行亦令該曹付送數萬斤所貿之價使之貿來上曰依為之

環刀亦令貿來可矣○夜青赤氣自西方指艮方南方有氣如月光○戊申

上書講論語于資政殿特進官李曙曰都監軍器經亂之後蕩然一空近來市

上所貿僅二百餘柄烏銃若得米斛及今加貿則可以優數辦得

上曰令該